



**NOTA ENTENDIMENTU
ENTRE
CONSELHO DE IMPRENSA DE TIMOR-LESTE
HO
POLÍSIA NASIONÁL TIMOR-LESTE**



Conselho de Imprensa iha objetivu prinsipál atu promove liberdade expresaun no imprensa inkliu asegura atividade jornalística ho profesionalismu nomós respeitu diak liu tan padraun étika no kualidade.

Polísia Nasional Timór-Leste nu'udar forsa seguransa ho misaun atu defende legalidade demokratika, garantia seguransa ba kada sidadaun no sira nia riku soin, nomós nudar salvaguarda ba sidadaun sira nia direitu, tuir konstituisaun RDTL no lei sira.

Nota entendeimentu ida ne'e mai husi nesesidade atu artikula asaun balun hamutuk entre Conselho de Imprensa no PNTL hodi promove koñesimentu diak liu entre entidade rua ne'e, kona-ba responsabilidade husi jornalista no membru PNTL sira, ne'ebé dala barak hasoru malu iha terenu durante hala'o atividade profisionál, tamba iha misaun husi parte rua mak atu buka lia los, maibé ho aplikasaun no prosedementu ne'ebé la hanesan.

Falta de komprensaun dalaruma bele provoka konflitu durante atividade husi polísia no jornalista sira, ho razaun ne'e parte rua, ho konsiénsia kona-ba importansia husi misaun rua atu halo sosiadade ne'ebé justa no igualitária (hanesan), deside hamutuk buka forma entendimentu atu promove respeitu ne'ebé diak liu ba espesialidade hodi desenvolve profisionalidade husi instituisaun rua.

Parte Conselho de Imprensa de Timor-Leste (CI) representa husi Prezidenti, Virgílio da Silva Guterres, ne'ebé tuir mai bolu nu'udar parte primeiru.

Polísia Nasional de Timór-Leste (PNTL), representa husi Komandante Jerál, Komisariu Faustino da Costa A. Ma, ne'ebé bolu nu'udar parte segundu.

Parte rua konkorda hodi kria no asina Nota intendimentu ida-ne'e ho norma sira tuir mai:

Artigu 1.º Objetu

Promove relasaun ba ko'operaun entre Conselho de Imprensa Timor Leste ho Polísia Nasional Timór Leste atu garante diak liu tan ba asesu informasaun no prevensaun kriminalidade tuir norma sira ne'ebé konsagra iha konstituisaun RDTL.

Artigu 2.º Objetivu

- 1) Hametin no promove respeitu malu entre jornalista ho Polísia hanesan ajente autoridade sira, ho sentidu atu evita konflitu ne'ebé bele rejulta husi desenvolvimentu atividade profisionál, no servisu hamutuk tuir objetivu ba enterese komun.
- 2) Garantia asesu ba informasaun ba parte jornalista, ho sentidu promove liberdade expresaun no imprensa.
- 3) Defende legalidade demokrática, garante seguransa ba ema sira no riku soin inklui salvaguarda ba sidadaun sira nia direitu.
- 4) Buka forma ba desenvolve atividade konjunta no promove objetivu husi instituisaun rua tuir interese ko'operaun nian.

Artigu 3.º Âmbitu Ko'operaunaun

- 1) Formasaun ba membru PNTL sira kona-ba prinsipiu basiku ba atividade jornalística no lei ne'ebé regula atividade jornalística.
- 2) Formasaun ba Jornalista sira konaba prosedimentu legal hanesan buska, revista no aprensaun urgente iha fatin akontesementu krime, inklui tekniku uza forsa husi Polísia nian.
- 3) CI no PNTL hamutuk halo sosializasaun no sensibilizasaun ba jornalista no membru PNTL sira kona-ba karakter profisionál ne'ebé espesifiku husi instuitusaun rua ne'e, inklui lei relevante sira.

Artigu 4.º Responsabilidade Conselho de Imprensa

- 1) Jornalista sira tenki iha koñesimentu basiku kona-ba prosedimentu iha fatin akontesimentu krime, oinsa atu responde bainhira akontese tiru teiu no kona gas lakrimugeniu, inklui prosedura detensaun no kontrolu, koñesimentu kona-ba armas, munisojns nomós ekipamentu operacionál polísia nian.



2

- 2) Jornalista sira tenki kontribui ba transparansia husi atividade no métodu ne'ebé Polísia sira uza, hodi fahe informasaun ne'ebé komunidade sira presiza.
- 3) Jornalista sira tenki respeita limitasaun ne'ebé iha nune polísia bele atinji sira nia objetivu operasaun.
- 4) Jornalista sira tenki garante tratamento ne'ebé los kona-ba servisu polisiál liu husi sira nia produtu jornalística, hodi asegura sira nia komitemento ba lia los no entrese públiku.

Artigu 5.^o
Responsabilidade Polísia Nasionál Timór Leste

- 1) Polísia presiza garante asesu informasaun ba parte jornalista sira, liu-liu asesu fatin ne'ebé taka ba públiku, exceptu bainhira presensa jornalista hirak ne'e iha risku ba seguransa no ordem públiku, ou afeta ba prosesu investigasaun ne'ebé lao hela no asegura liberdade imprensa no liberdade espresaun.
- 2) Polísia tenki oferece faktus hirak ne'ebé nesesariu ba kobertura jornalística, ho ambitu sira sei la hetan protesaun kona-ba segredou ou kompromete ba investigaun ne'ebé akontesse iha atividade polisiál.
- 3) Polísia garante seguransa ba jornalista sira bainhira hala'o kobertura ba operasaun polísia nian, no presenza jornalista sira la fo risku ba operasaun ne'ebé polísia sira halo, ne'ebé tetu ba liberdade imprensa no liberdade espresaun.

Artigo 6.^o
Sijílu

Parte rua konkorda atu asegura data segredou, dokumentasaun ou nota balun ne'ebé merese atu protese ninja segredou tuir lei ne'ebé iha.

Artigu 7.^o
Finansiamentu

Kualker taxa ne'ebé relaciona ho nota intendementu ne'e parte rua sei responsabiliza hotu tuir proporsionál.

Artigu 8.^o
Rezolusaun ba litígios

- 1) Parte rua konkorda katak kualker litígiu ne'ebé mosu tamba diferensia interpretasaun kona-ba implementasaun nota intendementu ne'e, sei rezolve liu husi diskusaun hodi bele hetan konsensu.

- 2) Parte ida ne'ebé sente prejudika tenki haruka karta eskrita ba parte seluk hodi bele buka ninia solusaun bazeia ba data no faktus ne'ebé iha.

Artigu 9.⁰
Prazu validade akordu ne'e

- 1) Prazu validade husi nota intendimentu ida-ne'e mak ba tinan 4 (hat), hahú nota intendimentu ida-ne'e asina hamutuk, no renova automatiku.
- 2) Nota intendimentu ida-ne'e sei remata nia validade, bainhira parte ida haruka atu hakotu akordu ou bainhira estabelese ona nota intendimentu foun.

Artigu 10.⁰
Akordu seluk no tranzisaun

- 1) Nota intendimentu ida-ne'e sei bele altera depende konkordansia husi parte rua.
- 2) Dokumentu kona-ba nota intendimentu ida-nee, asina mós husi Prezidente Conselho de Imprensa de Timor-Leste no Komandante Jerál da PNTL.

Artigu 11.⁰
Duplikasaun ba Dokumentu

Dokumentu ne'e iha exemplar rua, no kada ida-idak vale hanesan orijinal, parte sira sei asina hamutuk, husi parte rua ne'e, kada exemplar ida, tenki entrega kedas ba iha ema ida-idak.

Dili, 20/12/2019

